

¡BOMBA!

Recomendaciones finas para la relajación: gusten la televisión, pero no la de Salinas



K'uintsil

Miércoles 27 de mayo de 2026

CAMPECHE · YUCATÁN · QUINTANA ROO · AÑO 11 · NÚMERO 2732 · www.lajornadamaya.mx



U 1% mexicoilo'ob, le maas ayik'al máako'obo', ku beetiko'ob u yantal 23% ba'al ku contaminar México

U 1 por cientoil u kajnaalilo'ob México beetik u yantal u 23 por ciento u emisionesil contaminantes ichil tuláakal le noj lu'umilo'. Ba'ale', marco fiscal yaan te'el k'iino'oba' tukulta'an ti'al u subsidiartik yéetel taak'in jóok'sa'an ti'al u beeta'al infraestructura ti'al kaaje', ts'o'oke' yéetele' ku béeytal u k'a'abéetkunsal jets yéetel yates privados, yéetel le je'elo' ku beetik u maas jach talamtal ba'al yo'olal xma' keetil náajal, tu ya'alaj Oxfam México.

Ichil u meyajil Que el lujo pague su boleto. Impuestos al transporte VIP, múuch'kabile' táan u tukultik u jets'ik bajux ku tojoltik propiedad, beyxan bajux u tojol u k'a'abéetkunsal infraestructura yéetel u emisionesil "aristocracia del carbono" tumen táan u yilke', lelo' je'el u beetik u yantal ichil 30 mil 497 yéetel 234 mil 774 millones de pesos lalaj ja'ab; ts'o'oke' lela' u ti'al u yilik wa ku yutskiinisk desigualdad, yo'olal bix u yila'al u k'a'abéetsal ba'al tumen

ayik'al máako'ob ichil tuláakal u noj lu'umil México.

"Crisis climática yaan te'el noj lu'umilo', beyxan yóok'ol kaabe', noj talamil ku chíikbesik xma' keetil náajal yaan. U kaxta'al u ch'éejsa'al crisis' ku k'a'abéetkunsik u jóok'sa'al políticas públicas tu'ux ka je'tsek u nooyil noj tuukulo'ob yo'olal justicia climática yéetel fiscal", a'alab tumen le múuch'kabilo', úuchik u chíikbesik u 0.1 por cientoil kaaj maas jach ya'ab taak'in yaan ti' tu noj lu'umil Méxicoe', ku chukik kex 130 mil

máako'ob, leti'e máaxo'ob ku contaminar'ob kex waktéen maanal ti' le beyka'aj ku beetik le 13 millonesil mexicoil máako'ob mina'an ya'ab taak'in ti'obo'.

"Ka'alikil le ma' ayik'al kaajo'ob ku máansiko'ob talam ba'alo'ob táan u yúuchul te'el ambienteo' yéetel u jach p'itil taak'in -je'el bix le ooxolo', yáax k'iin, bulkabilo'ob, ichil uláak' ba'alo'obe', máaxo'ob jach ayik'alo'obe' táan u maas séebkunsiko'ob u k'astal yóok'ol kaab ikil u seen yantal emisiones le kéen beeta'ak inversión, maan yéetel péek', a'alab tumen múuch'kabil.

Dora Villanueva / P 21
Oochel Huertos Magaña